

556383

欽定剿平三省邪匪方略

正編

一〇七



欽定剿平三省邪匪方略正編卷二百四十七

辛酉年

三月二十八日

甲辰

額勒登保奏言查陳朝觀等

股賊匪經札克塔爾剿潰之後於深山老林中

分股逃匿高三馬五王凌高前後股匪從白玉

河合竄東君寺楊遇春由碑壩白菓壩緊追係

在西南兜截賊匪必向東北逃遁札克塔爾適

在賊之東北

臣

當卽飛飭札克塔爾一面探剿

陳魏等股賊匪一面探聽高馬等逆蹤跡期與  
楊遇春等夾擊乃高馬賊匪知楊遇春等已在  
西南果向東折若與陳魏等股合夥賊勢較重

臣

於十六日五鼓親帶叅將張廷楷佐領德克

精并馬步兵勇四百餘名由鍾家溝趕赴白雄

關一帶督率剿辦卽從龍池場前進是日扎克

塔爾帶兵由東面之波羅樹而進午刻趕抵狼

渡礮遙見賊匪正下山梁攻撲民砲扎克塔爾

卽令桑吉斯塔爾同侍衛官福墨新副將多隆  
武遊擊高萬春等帶馬步兵勇爲一路扎克塔

爾督同侍衛安福副將楊芳遊擊劉健標帶馬  
步兵勇爲一路分左右進擊賊匪蜂擁抵拒都

司劉元明把總敬朝貴吉林領催得貴等與兵  
勇衝入賊羣攪殺一處札克塔爾桑吉斯塔爾

等帶兵躍馬橫衝將賊截為兩段臣帶張廷楷

德克精兵勇亦已趕到兩相夾擊立斃賊四百

餘名生擒一百餘名內鄉勇袁華俊游金龍岳

興拿獲賊匪一名訊係王凌高又把總敬朝宗

同鄉勇晏陞拿到賊匪一名訊係張什於活賊

中訊出偽總兵張世明一名其餘執旗賊目四

五名王凌高張什二犯拿到活賊無不指為元

帥臣除將所獲之犯分別辦理外查王凌高卽

係高馬後股內賊首張仲係襄陽老教上年在

川自爲一股是該二犯均爲元兇臣嚴加審訊

供認確鑿謹將供單錄呈

御覽現在高三馬五與魏棒棒零星股匪又分投逃

向茶盤垭兩河口奔竄楊遇春等已趕抵天池

寺與格布舍張鳳各帶官兵由皮家坪西河口

分路進剿札克塔爾率同副將楊芳等亦由簡

池壩追剿且聞勒保率同阿哈保薛大烈在通

江平溪壩七十五帶兵在空山壩均探蹤兜剿

前來倘與楊遇春等併力合剿有此數路官兵

必能尅期掃蕩此一帶川陝接壤險阻雖遜於

南山但道路紛歧山深林密各匪易於藏躲

臣

已飛行知會勒保等無論何股總須合力截剿



勿令再有散漫再接據楊奎猷稟報冉學勝股  
匪於初十十一等日由留壩江口折竄高家店  
柳川溝等處經該鎮率同長麟派來之協領和  
興額叅將羅全亮遊擊陳五輯等追剿斬獲三  
百餘人該匪卽竄至城固之小河口馬溜崖一  
帶臣查冉學勝股匪本只有一千餘人近於秦  
隴等處盤折昨據長麟來信畏脅已至二千餘

衆搶奪驟馬多有千餘長麟現赴寶雞汧陽設  
使該匪又深入南山或乘間東遁轉覺費手

臣

恐楊奎猷等兵力不足未能制勝又添派慶成  
帶領兵勇三千由渭河過江馳赴洋縣一帶遏  
其東趨之路迎頭截擊適又據城固縣牟鴻騫  
稟報楊奎猷於十三日復追賊至大壩連接四  
仗官兵頗有損傷該匪仍由原路竄往褒城之

桅杆石梁江口等情尙未據楊奎猷報到

臣刻

已飛行飭查並札飭慶成一面確查一面趕緊  
前往剿辦又穆克登布豐紳等呈報伍懷志及  
高二餘匪前由進口關南竄莫家河之後伍高  
兩股又卽分竄穆克登布等緊躡伍逆之踪於  
南溝鹽山溝口一帶疊次斬獲賊匪數十人林  
深路雜未得痛剿十一日於螞蝗溝冒雨進兵

賊匪在螞蝗溝山頂恃險盤踞穆克登布綸布

春帶兵於溝內覓路由正面上攻豐紳帶兵由

林箐內繞赴山後襲擊兩路官兵甫至半山雪

霧大作賊匪矛手千餘人散佈樹林之內兵勇

猝被賊矛戳傷陣亡者數人坡陡路滑我兵馬

匹亦多有跌傷穆克登布豐紳綸布春率眾奮

力進攻不肯稍退殺斃賊匪一百四十五人生

擒五十七名我兵將攻至山頂賊匪卽順山奔  
向老林竄去因天色傍晚雨霧復作不能窮追  
卽在此處紮營獲犯內訊有襄陽老教首張萬  
壽一名審明業已正法又臨陣殲斃大頭目聶  
安仁覃長淳二名被脅之人乘間逃散者不少  
現在該匪由鳳縣之安河腦出留壩之高橋復  
至鳳縣之三道河臣已疊次飭令穆克登布豐

紳綸布春緊顧東北上緊剿洗毋稍予賊以暇  
至近接德楞泰來信龍紹周股匪經官兵於大  
寧地方剿潰後唐明萬分帶千餘人仍由川陝  
邊界逃竄其龍紹周股匪由西密河衝卡竄入  
楚境德楞泰已趕抵楚之竹谿是楚境已有德  
楞泰前往不特龍逆一股不致蔓延卽徐添德  
等逆亦可資其兼顧第恐各匪一經官兵兜剿

又必由竹谿竄入平利慶溥喜明馬玉魁柯藩

現在平利之八卦廟柳林壩等處攔剿安康一

帶零星餘孽

臣

又嚴飭該副都統等毋任賊匪

再有東趨倘龍紹周等折向西來亦務須合力

併擊目下

臣

仍督率楊遇春札克塔爾等將高

馬陳魏等股上緊兜剿

臣

在西鄉地方爲各路

聲勢察探東西兩面賊蹤何路著重卽當撤帶

札克塔爾一路之兵赴何路督率辦理此次官兵剿賊札克塔爾一路把總敬朝貴身帶矛傷

穆克登布一路吉林驍騎校烏金保脇受矛傷

其餘兵勇亦間有傷亡容另查明咨部辦理再

查此次生擒王凌高之鄉勇袁華俊游金龍岳

興生擒張什之把總敬朝貴鄉勇晏陞等五員

名臣酌擬每獲首逆一名賞銀三百兩已傳



旨共賞銀六百兩令其均勻分領並將馬步兵勇內  
在前追衝賊隊及擒殺賊匪者酌量賞賚以示  
鼓勵所有管帶此次鄉勇之都司劉元明屢次  
打仗率衆向前今其所領鄉勇連獲二逆與有

恩各  
勤勞

臣

於奉到

恩賞花翎內已傳

旨賞給一枝其探獲張什之把總敬朝貴及同時實

在出力之吉林領催得貴黑龍江甲兵色楞泰  
額外外委劉安邦軍功譚永祿等五員名應懇

恩各賞戴藍翎至王凌高張什訊據供稱與高三馬

五冉學勝徐添德樊人傑等無不認識嗣後擒

獲巨逆可資辨認是以暫將該二犯解往西鄉

監禁再查去歲賊匪於棧道往來奔竄曾經節

次設有防兵堵禦迨後大股賊匪經官兵追逼

趕剿於甘境肅清後所有恒瑞德忠汪啟等留

防棧道官兵均陸續移撤至漢南南鄭西鄉川

陝邊界以爲防剿之用棧內久無官兵此外如

留壩鳳縣雖有存城兵勇爲數皆不過二三百

名只可藉以保護城垣不能截剿竄匪前此冉

學勝股匪竄越時實未設有卡隘汛地專員防

守奏入

上命軍機大臣傳諭額勒登保曰此次額勒登保探  
知高三馬五王凌高向東奔竄欲與陳魏等股合

夥卽親督將弁趕緊截剿斃賊四百餘名將王凌

高張什二逆生擒實屬奮勇可嘉該二逆雖非徐

添德及高三馬五可比但詳閱供詞俱係傳教首

逆僞稱元帥率領匪衆到處搶擄檢惡已久今同

日生擒誠爲快事卽日高三馬五徐添德等定可

以次殲擒大功速歲額勒登保着賞給玉搬指大  
小荷包又發去翎管搬指小刀火鏢各十件着額  
勒登保分賞軍營出力將弁札克塔爾桑吉斯塔  
爾二人帶領官兵將賊匪截爲兩段甚爲出力着  
額勒登保存記俟高三馬五擒獲後並其餘出力  
各將弁一同保奏候朕加恩至拿獲王凌高之鄉  
勇袁華俊等已據賞銀六百兩其帶領鄉勇之都

司劉元明亦據額勒登保傳旨賞戴花翎所有把  
總敬朝貴及同時實在出力之吉林領催德貴黑  
龍江甲兵色楞泰額外外委劉安邦軍功譚永祿  
等俱照所請賞戴藍翎以示獎勵現在高三馬五  
與魏棒棒等分投逃竄額勒登保已飭楊遇春札  
克塔爾等分路追擊并據勒保率同阿哈保薛大  
烈七十五等探蹤兜剿前來兩省官兵漸次會合

可見賊數日少官兵日增并力合剿必能剋期掃

蕩高三馬五在諸賊中最爲兇悍額勒登保務當  
專注此股上緊剿除二逆一經擒獲著卽在該處

鑿割設立被害提鎮牌位致祭以慰忠魂若臨陣  
殲斃卽令現在擒獲之王凌高張什指認屍身屬

實再行剉屍傳首俾紓衆憤至摺內稱龍紹周股  
匪經官兵於大寧地方剿潰唐明萬分帶千餘人

仍在川陝邊界逃竄一節龍逆現已竄入楚境德  
楞泰趕往剿辦而唐明萬分竄餘匪現係何人剿  
捕摺內未曾提及額勒登保務須速派將弁上緊  
剿淨毋任游奕又冉學勝一股額勒登保恐楊奎  
猷等兵力不敷添派慶成帶領兵勇三千馳赴該  
處幫同迎擊長麟於辦完汧陽逆案後亦卽帶兵  
追剿此時惟當飭令慶成會同長麟等一律剿除



勿留餘孽其伍懷志賊股前已竄出南山早經派  
令穆克登布等剿捕額勒登保亦當飭催迅速殲  
洗以期陝境肅清至前此冉逆由棧道竄入甘境  
棧內並未設有卡隘預爲防堵致任賊匪奔竄額  
勒登保及該督撫等未能佈置嚴密實難辭疎忽  
之咎嗣後於賊匪往來緊要口隘雖賊蹤已遠亦  
須先事嚴防不可稍存大意所有打仗受傷敬朝

貴烏金保等今全愈否亦著遇便覆奏

二十九日乙巳勒保奏言竊臣與七十五兩路官

兵前在毛峪鎮竹峪關等處兜剿陳魏等股匪

衆臣督同大隊由平溪壩過河相機兜截師次

永安壩探得該匪等竄向西鄉所屬之簡池壩

分爲兩股陳朝觀不過八九百人竄入巴山老

林魏棒棒一股祇有四五百人向西河口奔竄

查此一帶在在俱係老林川陝犬牙相錯最爲

賊匪往來熟徑且巴山林與西河口等處均與

通南接壤若全師追逼勢必深入陝境且聞楊

遇春慶成等均在西鄉境內該匪聞有官兵必

回川境是以商令七十五卽由簡池壩追躡前

進臣帶同阿哈保薛大烈等由南江一路迎擊

十二日鍾次分水嶺據報趕場溪有賊三四百

人九嶺子有賊千人在彼游奕相距分水嶺均有七八十里該處多係僻徑鍋帳駝隻斷難行走惟九嶺子一路尚可牽馬步行當卽商令阿哈保薛大烈帶領馬步官兵由九嶺子進發派

令遊擊唐際盛陳瑞朝都司楊春榮等挑選步

隊兵勇由趕場溪進發臣暫紮分水爲兩路策

應各兵攜帶乾糧均於十三日五更分路前進

唐際盛一路是日抵孫家坪探知賊屯殷家溝

相距十餘里我兵密藏林內並不舉火十四日

黎明分作兩路衝入賊羣出其不意立斃二十

餘人各匪驚潰均沿山奔逃唐際盛等卽催兵

四路追殺斃賊一百六七十名生擒男婦七十

六名口奪獲刀矛旗幟八十四件該遊擊等一

面將活賊器械送

臣

軍營一面仍卽帶兵搜捕

直至趕場溪一帶又擒獲戰手二十九名投出  
難民五十三名並查獲偽總兵馬大勇屍身指  
認屬實割取首級呈驗訊據旗首殷遇貴等供  
稱此股楊開第手下馬總兵爲首安仁溪被大  
兵剿散該賊目帶有二百餘人總在南江通江  
西鄉一帶老林藏匿又摸椿湊有百餘名共三  
百餘人近聞陝西有兵過來馬總兵要從南江

廣元一路逃走不想忽遇官兵衝出致被殺盡  
當將殷遇貴並從賊日久之戰手顏陞等八十  
三名卽行正法被脅未久之難民林士安張陳  
氏等七十五名口給予銀米發交南江縣遞籍  
安插旋據阿哈保薛大烈等報稱十三日兵抵  
九嶺子賊已聞風竄逸十四日兵抵官壩探知  
賊已竄至麻柳灣十五日五更分兵三路由沙

灘張家嘴桂門關等處抄截副將田朝貴與協  
領達斯呼爾岱叅將羅聲臯李錦麟遊擊傅廷  
佑鄔海慶等甫上桂門關之大石埡正遇賊匪  
竄來經我兵從上壓下將賊衝成兩股賊盡棄  
騾馬輜重而逃阿哈保薛大烈卽督同副將張  
清海常侍衛謨爾歡保叅將葉鳳來遊擊晉之  
璉等分投掩殺統計斃賊三四百名滾崖落澗



者亦多餘皆零星奔入叢林隨令兵勇四路搜捕共生擒四百六十六名訊知此股係張漢潮餘黨自張漢潮死後其徒曹世倫亦係襄陽人卽自稱元帥以賀友文劉光太爲總兵吳名魁爲總旗手本有四百餘人總在川陝邊界老林內藏躲覓食幾月來又湊有各處零星打散戰手並擄來難民共有九百餘人近從西鄉過來

聽見老掌櫃王廷詔已經拿獲各路官兵追趕  
馬五等甚是利害所以要由南江到廣元寧羌  
一路躲避不想此路又有官兵到來曹元帥帶  
有箭傷當被殺死兩總兵並總旗手探馬頭都  
被拿獲等語當經阿哈保薛大烈將曹世倫首  
級並偽總兵賀友文劉光太總旗手吳名魁劉  
啟先探馬頭何龍李德太王貴等及現獲各犯

與搶獲旗幟刀矛四百八十九件一併解審

驗前來臣督同委員將各犯逐一研訊其中襄

陽老教並陝西從賊日久之戰手居多隨將賀

友文等七犯凌遲處死戰手方起祥等三百五

十二名卽行正法難民施大明杜廖氏等一百

零七名口給予銀米亦發交南江縣分別遞籍

安插臣因昨接楊遇春來信知其追剿高三馬

五等逆已至通江之碑壩賊在天坪河東溪寺  
一帶奔竄忽川忽陝迄無定向現在阿哈保薛  
大烈一路官兵相距不過二百餘里自應令其  
馳往會同是以將鍋帳等項設法運送前往囑  
令就近會同楊遇春協剿高馬股匪以期卽日  
殄平設或遠遁陝疆再行撤回隨同臣另辦川

東竄匪臣因前派遊擊桂涵等剿辦東鄉新寧

境內摸樁之賊日來尚未得信而湯思蛟等據

報已從馬家營出山又接德楞泰知會已帶兵

追剿龍逆等出境而大寧後坪一帶尚有辛聰

餘匪在彼出沒東路空虛未便置之不顧查七

十五現在簡池壩竹谿關等處探剿陳朝觀等

逆因賊竄陝境未及窮追如果折竄通南足資

辦理現已札致該提督卽在此路邊界相機迎

卷之三十一 通鑑纂要卷之三十一  
六  
截並可兼顧川北臣先由分水嶺取道通巴由

山坪大成寨一路進發奏入

上命軍機大臣傳諭勒保曰此次勒保督同阿哈保

薛大烈等由南江起抵孫家坪分兵兩路共計斃

賊三四百名生擒賊衆四百六十餘名所辦尙好

但張漢潮楊開第二逆早經先後殲除何以至今

仍有餘匪在川省竄逸可見零星賊黨四處潛匿

者正復不少該督所稱不期而遇者恐不止此二

股現當剿捕吃緊之時剿辦固須迅速但不可急  
於見功辦理草率以致賊匪根株未能淨盡大兵  
一撤或又乘間滋擾勒保務當督飭鎮將分投搜  
捕無論川東川北零星賊股以及摸樁餘匪總須  
一律殲除勿留餘孽再陳朝觀等逆據奏七十五  
因賊竄陝境未及窮追此股賊匪勢已殘敗既經

竄至陝境何以不復窮追其高馬二股餘匪在川  
陝邊界該督應卽飭令阿哈保等會同楊遇春併  
力夾擊以期迅速殄除其辛聰一股餘匪據奏在  
大寧一帶出沒該督帶兵距川東不遠曾否就近  
剿竣至樊人傑股匪前此勒保旣稱經官兵剿敗  
後總未得實在下落此次摺內並不提及現在樊  
逆是否尚在川境此外有無另股賊匪並着詳悉



查明上緊剿辦肅清疆圉勿再延緩

同日長麟奏言竊臣將汧陽等處逆犯辦理完

結正在拔營入山忽接楊奎猷來稟十三日在

留壩屬之大壩地方又經追及賊匪接仗失利

致將兵勇衝散臣聞信後卽於十八日入棧趕

緊疾馳十九日趕抵鳳縣始知十三日楊奎猷

等探知冉逆賊匪於剿散之後復哨聚於大壩

一帶焚掠該處兩面大山中係深溝溝底樹林  
叢密石徑狹窄楊奎猷等卽與協領和興額叅

將羅全亮遊擊陳五輯等分兵兩路由左右兩  
道山梁進剿行抵該處遙見騎馬賊匪四五百  
人在溝內屯聚望見官兵並不迎敵亦不竄避

楊奎猷等料知賊計詭譎當令兵勇搶上山頂  
察看虛實再行乘勢撲壓詎和興額恃勇貪功

一見賊匪不肯少待僅率馬隊五十餘騎一擁下山直向溝內撲殺該匪倚恃人衆縱馬直衝將和興額馬隊截回楊奎猷羅全亮陳五輯等恐和興額失事當卽催令步隊兵勇一齊撲下山溝趕緊救應詎該匪於山灣密林內埋伏多賊見官兵已經下山四路伏賊捨死衝撲溝內路徑逼窄兵力不能施展協領和興額佐領捷

慶驍騎校梧桐阿委官罕青阿力戰陣亡遊擊  
陳五輯郭洪李殿魁都司陸建敏千總韓萬年  
因向前趕救和興額亦均同時陣亡叅將羅全  
亮遊擊劉滿貴都司馬建廷等督率兵勇且戰  
且退撤出溝外搶站山梁紮住賊匪仍四面攻  
撲經兵勇奮力轟擊直至天黑始退楊奎猷等  
查點兵勇有卽時陣亡者有帶傷未出者亦有

被賊衝散者現在趕緊收集俟查明確數另行  
報部至佐領阿爾當都司邊奏凱千總杜洪才  
馬得功署千總馬負圖等現無下落亦未找獲  
屍軀俟查明另行報部又糧員留壩同知汪銓  
親赴前敵甫至溝口卽遇賊匪衝出立時被害  
現在楊奎猷等撤至留壩收集兵勇臣一面札  
飭該鎮趕緊整頓卽行趕赴臣一路協剿一面

移營由鳳縣前進於二十日趕至三岔探聞冉  
逆賊匪已竄入棧道以西之陳倉溝向西北一  
帶奔竄乃聞官兵趕來復由西北折回瓦房壩  
陳倉溝一帶賊營卽在瓦房壩屯聚其陳倉溝  
及棧道南星一帶各有騎馬賊匪三四百名至  
五六百名不等臣察看光景料知必係日前與  
楊奎猷等接仗用計埋伏得利此次聞官兵追

來又欲謀設奸計再圖取勝臣再四熟思此股

賊匪連日裹脅已有三四千人騾馬二千餘匹

鎗礮火藥旗幟器械無所不有此次接仗必須

斟酌萬安務挫賊鋒臣當令兵勇卽在三岔紮

住體察動靜自午至酉賊匪或數十騎或百餘

騎屢次在南星以北來往誘敵臣總不令官兵

出隊迨日落後臣揀派兵勇於營盤左近暗地

埋伏先令查拿賊探以便拷問虛實甫交二鼓  
據軍功劉延剛拿獲賊探來營細加研訊據供  
此股賊匪係冉學勝爲總元帥該犯名舒德是  
開路先鋒三月初十日在柳川溝被楊總兵趕  
上殺死許多賊匪冉元帥憤恨商量要設計報  
仇故意緩走於十三日到大壩地方因山高勢  
險就四處理埋伏殺傷兵勇官員數百人搶獲騾



馬五六百匹就由留壩竄入陳倉溝仍要上甘

肅去走過瓦房壩聽見又有官兵趕來大眾

仍在陳倉溝內四處埋伏並在山頂安放滾

礮壘石先令馬隊出陳倉溝南星一帶大路引

進官兵要想再打一好仗驟馬器械愈可增添

可不懼怕官兵等語查臣營內只有官兵八百

名鄉勇千餘人若由陳倉溝南星一帶進剿不

惟明知該處已有埋伏且瓦房壩之賊亦必出  
廢邱關斷我後路若由瓦房壩進剿則陳倉溝  
南星一帶之賊亦必進廢邱關抄我兵尾我兵  
既屬前後受敵且賊衆兵少尤不可不留心慎  
重必須先勞賊力俟其乏倦不及隄防之際而  
急攻之方可得手當於是夜密令出敵兵勇更  
替休息祇令站牆兵勇二三百人支更巡夜任

聽賊匪誘敵總不與之接仗該匪等屢次來至

營盤左近十里八里之外施放鎗礮徹夜不停

臣

總置之不理五鼓後賊匪又在瓦房壩南星

兩處放火故作拔營欲走之狀臣仍置之不理

天明後臣竊恐賊匪果遁追趕又須費力當派

馬隊六十名在陳倉溝南星等處來往偵探賊

出卽行撤避賊退仍往偵探使其旣不能遠去

亦不能停歇日落後我兵撤回賊匪見官兵兩  
日夜不與接仗得意張狂胆敢竟夜歡飲諒其  
埋伏亦必踈懈當令我兵四鼓蓐食五鼓出隊

先派都司劉福帶兵一百名將廢邱關山口守  
住一面密令遊擊馬忠都司藺福帶兵四百名  
由瓦房壩左首進攻遊擊宋鉞千總石友伏帶  
兵三百名由瓦房壩右首進攻遊擊張聯奎守

備狄廷杰帶領鄉勇一千名遊擊米章把總沈  
培帶領馬隊一百名由中路進攻守備金玉  
勳帶領鄉勇五百名往來接應總兵銜副將蕭福  
祿在前統領臣率同五品頂戴主事奇明在後  
督催直搗瓦房壩賊匪老營詎是日黎明卽細  
雨綿密逮兵勇等趕至瓦房壩時雨勢愈緊賊  
匪馬隊已經聞風遁去步隊亦已尾隨逃竄遊

擊米章當卽帶領馬隊抄出賊前將賊匪截回  
殺賊甚多張聯奎狄廷杰帶領鄉勇將賊匪衝  
爲兩段在左手撲殺金玉彙帶領鄉勇在右手  
撲殺馬忠藺福帶兵在前面攻殺宋鉞石友伏  
在後面兜殺五品軍功胡文秀譚恩楊模王桐  
劉文魁把總沈培武生行營把總蕭福真俱奪  
勇爭先搶入賊隊殲斃賊匪尤多並殄斃騎騾

馬之頭目四人賊匪大亂兵勇攪殺一處先後

共計殺死賊匪八九百人生擒二百餘名現在

審訊分別辦理搶獲騾馬八百餘匹刀矛鎗礮

旗幟器械甚多賊匪被剿情急又自行戳斃騾

馬數百匹飛行奔跑竄入老林我兵整日被雨

衣履濕透且天色亦已將曉實難再令其入林

追殺只得暫行撤回當令被獲之賊指認被殺

各匪屍軀據認出頭目王添元徐奉元二人其餘各屍軀頭面已被羣馬踏毀不能辨認當將真賊正法餘係被裹難民就近飭交鳳縣給與

銀米路票釋放回籍至臣派留寶雞彈壓之官

兵四百名係於總兵楊奎猷營內撥出今該總兵所帶兵勇被賊衝散一時未能收集齊全業將寶雞留兵調回仍交楊奎猷帶領以資剿辦



又<sup>臣</sup>營內兵力較單亦屬不敷剿辦茲已檄調  
固原河州兩處馬隊官兵三百名來營庶追截  
賊匪較爲得力

長麟又奏言查冉逆賊匪前次係由棧西碑亭  
溝竄向黑河一路有由沔縣入川之勢詎<sup>臣</sup>前

赴寶雞後該匪旋復折回竄入棧東又有奔江  
口竄入南山之勢是以<sup>臣</sup>擬由子午峪趕赴鎮

安一帶兜截茲該匪與楊奎猷等接仗又復竄

過棧西入陳倉溝經臣此次在瓦房溝痛加剿

殺後該匪卽向馬尾河一帶逃逸查馬尾河西

通甘省徽縣北通陝省鳳縣並可出方石舖竄

入甘省之兩當縣臣現在審訊被獲之賊僉供

該匪等總要折竄甘省仍過渭河奔竄汧隴一

帶冀搶奪騾馬等語查臣於二十二日在瓦房

竊與賊接仗係在鳳縣山南該匪現向西北直

趨已距兩當徽縣甚近是臣之兵已經遠落賊

後臣惟有鼓勵兵勇趕緊兜截倘能繞出賊前

將該匪逼向沔縣畧陽一帶即可相機剿辦再

辦理沔陽一案實賴將備千把暨各軍功之力

爲多內守備狄廷杰把總沈培武生行營把總

蕭福真五品軍功胡文秀譚恩楊模王桐劉文

魁實皆出力卽此次在瓦房壩打仗尤屬奮勉  
又五品頂戴主事奇明知縣曹用葵隨營一載  
有餘奇明派辦翼長及營內一切大小事務辛  
勤勞瘁喘息靡寧至與賊匪接仗之時該員等  
亦總在前敵左近艱苦備嘗合無仰懇

天恩俯加獎勵出自

聖裁均奏入

上命軍機大臣傳諭長麟曰總兵楊奎猷等在大壩  
剿賊失利朕早有所聞正欲降旨查究今長麟所  
奏楊奎猷遇賊失事地方及陣亡人員姓名與朕  
所聞無異該督尙不敢稍有諱飾且聞知楊奎猷  
失事卽帶兵趕往設計誘賊出其不意殲擒賊匪  
一千餘人所辦尙好但摺內稱冉逆股匪連裹脅  
攫搶已有三四千人驟馬二千餘匹鎗礮火藥不

計其數此股賊匪本係長麟專辦不能及早殲除  
適因辦理汧陽之案稽延多日以致賊匪裹脅日  
衆勢復鴟張豈非長麟遲悞之咎姑念汧陽地方  
匪徒滋事伊係總督自應親往辦理不能兼顧而  
此次打仗又多斬獲尙可稍贖前愆是以不加  
深究至賊匪前在渭河南北兩岸往來竄逸無兵  
攔阻彼時長麟等未能布置周到已難辭罪今再

逆一股經官兵剿敗後向馬尾河一帶逃逸該處  
道路與甘省徽縣兩當相近額勒登保已派慶成  
帶兵幫同該督剿辦長麟務當催令慶成迅速前  
來寇期會合所有冉逆一股卽責成長麟慶成二  
人上緊截剿迅速殲除斷不可令其直趨西北以  
致甘肅未經被賊完善地方復遭蹂躪若再不能  
攔截痛剿縱令入甘必將伊二人從重治罪又據

奏稱調回派留寶雞官兵四百名仍交楊奎猷帶  
領楊奎猷無能已極其人豈復可恃現已降旨令  
額勒登保查叅所有調回寶雞兵丁且令楊奎猷  
暫行帶領俟額勒登保奏到時再降諭旨至協領  
和興額一見賊匪卽率領馬隊直向溝內撲殺尙  
屬勇敢且業已捐軀尤爲可憫而長麟轉稱其恃  
勇貪功殊爲不解和興額本係副都統卽著照副



都統例議卹留壩同知汪銓親赴前敵遇賊被害  
實堪憫惜著照知府例議卹其餘打仗陣亡之佐  
領捷慶等俱著咨部賜卹又覘無下落之佐領阿  
爾當等五員並著長麟確查若係畏賊躲避回營  
後卽當嚴叅治罪如實係陣亡仍著補行咨部議  
卹又據查明辦理汧陽新起賊匪及此次在瓦房  
溝打仗出力之守備狄廷杰五品軍功胡文秀譚

恩楊模王桐劉文魁均著賞戴花翎把總沈培武  
生行營把總蕭福真俱著賞戴藍翎其隨營辦事  
出力之五品頂戴主事奇明亦著賞戴花翎知縣  
曹用榮著以知州陞用

上命軍機大臣傳諭額勒登保曰楊奎猷遇賊失利  
之事朕先已聞知正欲降旨查詢本日長麟奏到  
楊奎猷於大壩一帶追剿再逆失事和興額汪銓

等俱經陣亡未敢稍有諱飾現已加恩分別賜卹  
並聞額勒登保親來督剿自係因冉逆一股勢復  
鴟張是以帶兵前往現據長麟奏該匪經官兵殲  
擒一千餘名剿敗後已向馬尾河一帶西竄額勒  
登保惟當催令慶成迅速趕赴長麟一路併力截  
擊切勿任冉逆直趨西北致甘肅完善地方又遭  
蹂躪至楊奎猷剿捕冉逆何以不能預爲調度以

致和興額等猝被戕害官兵多有損傷現在額勒  
登保前赴漢中著卽就近將楊奎猷此次打仗失  
利情形查詢明確據實叅奏並另派將弁前往接  
替以資剿辦再高二餘匪雖係德楞泰剿辦未淨  
之賊但額勒登保身爲經畧所有陝省股匪俱當  
設法籌辦且長麟現因冉逆一股人數較多趕往  
督剿豈能分身兼顧著額勒登保酌派幹練鎮將

抽帶兵勇將此股餘匪迅速辦完毋令蔓延滋擾

其後...

...

...

...

...

...

...

...

...

欽定剿平三省邪匪方略正編卷二百四十八

辛酉年

四月初五日

辛亥

額勒登保奏言查高三馬五賊

匪自經我軍節次追剿其勢倍形殘敗適與顏

魏等逆附合一處於川陝邊界潛遁楊遇春格

布舍張鳳於十七日抵皮家坪探知各該匪在

中梁坪倚險屯聚十八日帶兵分路環攻賊匪

憑高抵拒官兵竟日仰攻斃賊數十名賊匪情

急傍晚衝下我兵盡力奮擊斬戮六十餘名生

擒二十五名兵勇亦間有傷亡該匪又西竄剪

刀垵楊遇春等帶兵由紅廟塘等處抄截

臣本

欲親往督率乃接據留壩鳳縣稟報冉學勝股

匪自楊奎猷等追剿失利勢頗鴟張十五六等

日竄至鳳縣白雲寺等處十八九等日又竄至

留壩之大樹壩一帶總在棧道出沒並查該匪



原只一千二三百人於秦隴一帶奔竄裹脅二

千餘衆並聞驟馬已多棧道係川陝咽喉豈可

任其游奕

臣

前派慶成由洋縣田家嶺江口緊

從東面往剿計程急切不能追及

臣

因將高馬

等逆專交楊遇春格布舍等會同川中官兵緊

剿已可放心

臣

當卽調回扎克塔爾桑吉斯塔

爾副將楊芳所帶官兵由法慈院漢中褒城徑

趨棧道於二十七日抵留壩慶成帶兵亦由江

口來至留壩乃賊匪聞臣等兵到已竄入陳倉

溝西逸並據民人傳說總督長麟率師自寶雞

前進從廢邱關至酒店溝在東岔溝追及賊尾

已有斬獲並奪獲騾馬而賊已入甘境臣查東

岔溝一帶路通兩堂徽縣秦川長麟自己緊躡

賊蹤追剿臣若仍由廢邱關而前尚在長麟之

後且北面尤爲緊要臣現卽率同扎克塔爾等

由唐藏一帶隨探隨進所有高馬賊股因被官

兵逼竄寧河邊界楊遇春等已率師由大安驛

一帶截剿臣刻又飛飭務在緊辦不得稍予以

暇又伍悻志股匪經穆克登布豐紳等帶兵追

剿由留鳳邊界竄入畧陽冷雨河緊傍山林輾

轉逃避穆克登布等於二十三日晚追至西溝

峽探得賊匪甫於相距四十餘里之戰壩老林中竄出有四散掠食者有於民房屯聚者穆克

登布等察其情形若日間進擊該匪又四散錯

入老林仍難得手遂鼓勵兵勇於初更飽餐二

更後趕抵戰壩見賊號火數十處穆克登布與

豐紳綸布春各帶侍衛將備兵勇三路進攻一

齊向前將近處民房內外屯聚之賊圍殺殆盡

計有一百餘名其餘賊匪聞聲驚竄各兵勇沿途探殺又有七八十名時值夜半昏黑難以窮追將官兵暫行收集卽於山上露處次早又於林箐內搜獲三十餘人偵探該匪等由林茅溝雪溪河東竄穆克登布等已帶兵趕赴鐵爐川抄截臣得信已飛飭緊顧東面向西南追殺倘該匪仍與高馬之賊夥合更可與楊遇春一路

官兵會剿惟查高二餘匪前由桃號二川分竄  
從各峪內東趨將近柳葉河臣前飭總兵劉之

仁帶兵向西截剿據探報賊匪於二十三日竄

至景峪通判維昂率勇截住賊匪仍折向西南

奔竄查該一帶路逕紛歧劉之仁雖督率官兵

於田峪澇峪甘峪堵截究恐其乘間東竄臣現

令慶成由四畝地探蹤截剿並隨時兼顧漢南

西鄉再平利一帶尙有樊人傑曾芝秀等餘匪  
據慶溥喜明等呈報十七日賊匪由南坪掃箒  
嶺東竄經手備王英率勇進擊斃賊二百餘名  
生擒二十七名馬玉魁柯藩復由豐口壩堵截  
適遇該匪等從南坪峽竄出亦殺賊數十名賊  
匪於長石溝老林藏匿現在仍與慶溥喜明等

分路攔截臣疊次飭令慶溥等緊遏東竄之路

不得任其闖入楚界此時各股賊匪均有專剿  
之人臣惟有先將冉學勝股匪上緊辦竣再行  
揣度情形移師他往

額勒登保又奏言臣前接署城固縣牟鴻騫稟

報楊奎猷於十三日在大壩地方打仗官兵頗  
有損傷因未據楊奎猷稟到當卽飛行飭查嗣  
該鎮稟報初十日在柳溝與冉學勝股匪接仗



之後十三日於大壩一帶復趕上賊蹤有騎馬  
賊匪數百人在溝口直前迎敵馬步官兵斃賊  
十數人賊卽回奔進溝溝之兩旁均係大山楊  
奎猷和興額遊擊劉滿貴帶兵順溝追殺進至  
二十餘里不料兩山背面賊有埋伏從中衝出  
又有騎馬賊匪抄來各山包左右盡是亂柴枯  
草賊匪縱火焚燒烟霧迷漫羅全亮陳五輯等

後起官兵已形慌亂而前起追殺騎馬賊匪之

官兵轉回策應詎騎馬賊匪折回來攻力不能

支官弁傷亡兵勇衝散楊奎猷與叅將羅全亮

等併力抵敵搶佔山梁時已昏暮次日收集兵

勇查得協領和興額佐領捷慶驍騎校梧桐阿

委官罕青阿遊擊李殿魁陳五輯郭洪都司陸

建敏千總馬得功韓萬年署千總馬負圖把總

柴如栢外委秦敬額外外委祁閏王進才胡天  
傑張廷樑等均經陣亡尙有都司邊奏凱千總  
杜鴻才外委馬天希李景伯陳兆圭額外外委  
冷自榮未見下落馬步兵丁傷亡及無下落者

共三百餘名

臣

接閱之下憫惻焦憤莫可名言

伏思打仗殺賊勝負亦所常有但官兵如果紀  
律嚴明調度得當斷不至如此之挫折總兵楊

奎猷隨營剿賊有年節次帶兵打仗尙能認真

出力

臣

前因冉學勝股匪由南山竄出只一千

二三百人知會長麟剿辦就近飭令該鎮帶領

兵勇二千餘名探蹤趕剿長麟因在泝陽一帶

又派令協領和興額叅將羅全亮等帶領馬步

官兵鄉勇二千餘名與之協剿合計兵勇共四

千餘名該鎮身爲統領與叅將羅全亮等自應

於勇往之中加之慎重乃不能料賊詭計又不  
能審度地勢冒昧輕進且該鎮既經失利自應  
卽時據實呈報乃遲至數日經臣飭催始行具  
稟仍沿掩飾之習此卽從重辦理亦所應得惟  
念該鎮將等平時尙有微勞此次失在冒昧貪  
功究與臨陣退縮者稍間應請

旨將總兵楊奎猷叅將羅全亮均予革職枷號其遊

首擢擊劉滿貴革職作爲兵丁効力俾領兵大員共  
知儆惕至現無下落之官弁兵勇等

臣

札知長

麟派員趕緊查明另行一併咨部辦理

額勒登保又奏言

臣

接准部咨軍機大臣會同

兵部議得寧陝鎮添設營汛官弁一摺應將添  
設兵額趕緊調撥招募以足六千之數至該鎮  
所屬添設叅將二員遊擊三員都司五員守備

六員令臣於軍營出力人員內擇其熟諳南山

路巡者補放千把等弁令該督亦於軍營出力

人員拔補奉

旨依議等因臣查陝省南山一帶地方實屬遼濶添

設重鎮實不可緩前次南山甫清隨後賊又竄

匿臣於正月間在山內剿賊察看形勢會將安

營設汛之處詳晰告知總兵劉之仁並札商長

麟陸有仁等辦理刻下南山之賊漸已淨盡正  
應趕緊安設以資捍衛而南山以內召募兵丁  
一時未能足數者因營汛既未設立官弁亦未

補定該處居民未免心存觀望是以應募寥寥

則設兵自應先之以設官今除城守營都司一  
缺業經前撫臣台布奏請將黃瑞補用外所有  
應添之叅將二缺遊擊三缺未補之都司四缺



守備六缺臣應於軍營將備中擇其帶兵幹練

並曾來往南山熟悉地勢之員分別陞調另繕

清單恭呈

御覽其餘千把外委應由長麟陸有仁於本省千把

外委及軍功人等揀選陞補至招募新兵一時

不足查總兵劉之仁等現在南山一帶防剿已

帶有兵勇三千餘名臣於各路兵勇內又酌

量抽撤二千餘名撥往共足六千名之數均交

總兵劉之仁管領一面於南山扼要處所分設

防堵並趕緊於臣指定處所設汛安營修築寨

堡或先搭蓋草棚以爲官兵棲止此一帶依山

負郭之百姓甚多共知營汛官兵已經設立棲

止有所願入營伍者定不乏人其現於別處撥

去之兵勇統於該營汛將弁兵數逐漸補足之

時隨時裁撤如此辦理不惟目下足以剿賊安  
民卽將來爲全省屏藩更足以綏輯疆圉均奏  
入

上命軍機大臣傳諭額勒登保曰額勒登保原在江  
北剿賊嗣因冉學勝等股所剩無多伊卽帶兵前  
赴漢江南岸剿辦高馬股匪今據奏該匪捨命奔  
突兵勇攪殺亦有傷亡賊匪西竄剪刀埡等語是

賊匪又已衝突奔逃復致散漫乃額勒登保因楊  
奎猷在大壩剿賊失事冉學勝股匪勢復鴟張又  
捨高馬而剿冉逆但高馬二逆刻下已與顏魏等

股合夥卽伍懷志亦有與該逆會合之勢恐又漸  
成大股而額勒登保摺內轉稱該匪與高馬合夥  
更可與楊遇春一路會剿此何語耶卽如冉逆一  
股從前所剩不過數百人因額勒登保帶兵前往

漢南以故賊勢復滋今高馬等股寧不慮其復行  
裹脅乎此時額勒登保原帶官兵俱已分撥楊遇  
春穆克登布等剿賊兵力有限恐未必卽能剿淨  
冉逆大股轉瞬二麥成熟該匪又得掠食飽颺辦  
理豈不更形棘手額勒登保素爲奮勇又有清名  
朕所深知是以加恩授爲經畧乃剿辦日久迄無  
成效殊辜厚望此時冉逆旣經入甘額勒登保已

率同札克塔爾等由唐藏一帶追剿務當與長麟併力截擊迅速殲除其高馬等逆額勒登保卽交

楊遇春格布舍等會同川省官兵進剿亦當飭令

上緊辦竣至伍懷志股匪應催令穆克登布等趕

緊截剿勿使與高馬之賊竄合以期一律肅清至

叅奏楊奎猷等剿賊失利一摺總兵楊奎猷叅將

羅全亮均著革職枷號軍營候大功告竣後再行

奏明釋枷發往伊犁遊擊劉滿貴著革職作爲兵  
丁効力楊奎猷冒昧輕進損折官兵其罪固無可  
逭但伊係額勒登保所派亦豈能辭咎乎所有涼  
州鎮總兵員缺著蕭福祿補授又據奏陞補寧陝  
鎮營弁各員一摺內稱撥派兵勇分設巡防各事  
宜所辦皆是其另單擬請陞調各缺已照所請行  
矣寧陝地方防堵事宜最關緊要額勒登保當責

成劉之仁督率新放各營弁於安營設汛處所實力巡防聯絡聲勢俾成重鎮勿令賊匪再有一名竄入南山再前在楊奎猷一路打仗陣亡各員內除和興額等九員業經賜卹外所有續行查出之千總馬得功等入員俱著咨部賜卹

丁同日陸有仁奏言臣接經畧額勒登保來信因

再逆股匪賊勢稍張在留壩鳳縣一帶往來滋



擾餉銀文報阻隔雖經派令慶成自東向西逼

剿尙恐未能尅日掃除當卽親身督同札克塔

爾等由漢中入棧道進剿

臣

隨趕赴大營接見

經畧議論大局甚爲剴切詳明現已令慶成由

留壩江口一帶繞出棧道截賊東竄之路額勒

登保卽兼程由棧道進兵

欽差高星額裘行簡道員朱勳等押帶首逆王廷詔

隨同大隊前進行過留壩鳳縣卽可迅速進京

臣

照料經畧等僭行後適接鳳縣稟報再逆賊

匪在陳倉溝一帶屯聚督臣長麟自寶雞帶兵

趕到殲擒賊匪數百名並擊斃賊目三人尙未

查出姓名此股賊匪兇鋒已挫加之經畧親身

督剿自不難立就殲除其高三馬五股匪與魏

棒棒等合夥共有一千餘人在碑壩白雲寺一

帶奔逃係通沔縣之路楊遇春等帶兵馳赴繞  
截剿捕又川省楊開甲餘匪竄至陝省邊界總  
兵薛大烈帶兵由陳家壩一路進剿又伍懷志  
賊匪一股經穆克登布逼剿現已竄入畧陽之  
對窩子地方穆克登布等卽由三官廟一路進  
剿又高見奇餘匪尙在郿縣蓋屋一帶山內奔  
竄總兵劉之仁帶兵截剿前此經畧面商俟剿

滅冉逆一股東路可以毋虞卽令慶成馳往督  
同劉之仁等剿辦以期南山早就肅清又安康

平利一帶零星股匪雖經總兵馬玉魁等帶兵

截擊殲賊二三百人現在會同慶溥喜明等分

投兇剿其龍逆股匪經德楞泰連次痛加剿洗

日形窮蹙據安康縣探報該匪竄至竹山大西

河白鐵河一帶欲思偷渡東竄經官兵追剿緊

急匪徒跣渡者約淹死一千餘人惟首逆龍紹

周帶領一千餘人竄回房竹交界之天地垵漸

近川省臣惟有督飭各地方官鼓勵寨勇協同

官兵於深林密箐到處搜捕潛匿餘匪一面趕

緊督運軍糧隨地源源接濟並因兩旬以來棧

道梗阻餉銀未得趕到逐日設法供支均無貽

悞

陸有仁又奏言臣欽奉

諭旨以大功將次告竣此時善後事宜撫輯難民飢  
民安置鄉勇爲最要著令臣等通盤籌畫各抒所

見伏查陝省自軍興以來自元年以至四年收成

均係豐稔未被水旱雖軍需絡繹閭閻甚屬盈

寧卽上年秋收偶歉仰蒙

皇上蠲緩賑貸並於今春分別借糶小民生計有資

實無饑饉流亡之事與湖北地方情形不同惟  
各屬被賊之處難民遷徙失業勢所不免當其  
逃避之初多以城闕爲屏蔽地方官搭蓋棚廠  
與之棲止並或普行煮賑或計口給糧俾無露  
處凍餒之慮迨至賊匪已過各自回家復照從  
前奏定之例每次給與賑卹卽如現在漢中興  
安商州各屬及西安屬之寧陝孝義盩鄠等處

被難之民不下數千數百經臣嚴飭地方官親

身查點核其重輕分別煮賑平糶酌給口糧並

派賢能道府等密往抽查俱屬民沾實惠此等

被難之人因從前未知結寨築堡之益賊至猝

不及防不得不挈眷逃徙近日各處寨堡已得

十之七八一聞賊氛將近所有人口牲畜糧食

悉行搬入寨堡賊退仍可寧家自不致再有流



雖困頓之虞至於自賊營逃出救出難民被裹  
肖久暫之不同則撫卹亦須分別如各處貿易  
耕作之人賊至猝被裹脅旋即乘間逃出其家  
原有資產未經損動此等民人只須給與盤費  
路票護送回籍即可不致失所惟被賊脅從日  
久者室家資產久已蕩然若不熟籌安頓俾令  
長久資生誠恐復生反側必須給以恒產方足

以固其恒心臣前經奏明先將叛產絕產及會

經試種尙未陞科之地詳晰查明以備撥給嗣

據興安等屬查出叛產絕產數百處現在丈量

段落隨時隨地分給投首之人並於未經承種

之先酌量捐給口糧以資養贍倘隨後投首者

日衆前次查出產業尙有不敷卽當分撥各處

派充在官人役藉以廣其生計此皆現在籌辦

之實在情形也又鄉勇一項有就地防守及到  
處隨征之別就地防守者賊近應募守江守卡  
藉官給分例爲口食之資賊遠撤退各白還家  
仍可自謀生計此等鄉勇祇係隨時雇覓毋須  
另籌安頓惟隨征之勇連年食慣官糧不知耕  
作貿易爲何事且習於戰鬪視殘殺爲故常此  
等無藉之徒誠如

聖諭易於流而爲匪必當預籌良法藉以馴其性而  
安其身惟人數衆多必須分別妥辦此內有素  
稱剽悍者自當先儘派入軍伍以官兵爲之箝  
制是以臣於寧陝設鎮章程內擬以兵六勇四  
相間補伍其餘鄉勇尙多查陝甘各標營遣回  
殘廢兵丁不少若以前項鄉勇按營分之大小  
酌量撥補額缺每營或百餘人或數十人令其

隨兵操演日習營規自可藉資約束若尙有多  
餘再爲隨時派赴各州縣或當民壯或充夫役  
其則其勢日益分散更可相安無事均奏入

上命軍機大臣傳諭陸有仁曰本日據額勒登保請  
補寧陝鎮營汛各員已降旨允准並飭令額勒登  
保責成劉之仁督率該鎮弁兵實力捍禦毋任南  
山內再有賊匪闖入但防堵固係營員專責亦須

該地方官併力堵禦方足以收實效陸有仁當督  
飭該州縣於南山各隘口分派壯勇實力巡查加  
意嚴密勿稍疎虞設再有如從前竄匪闖入山內  
之事不但將該鎮將等嚴行懲治卽該地方官亦  
有應得之罪陸有仁不可不倍加謹凜至陝省現  
當剿賊喫緊之際軍需自應寬爲預備昨又諭撥  
兩淮鹽課銀二十萬兩迅速解陝此次餉銀不但

伊等未經奏請亦並無他人奏及朕念該處軍需  
緊要特令撥給該省得此餉項自更充裕陸有仁  
務須妥爲經理俾得源源接濟並留意撙節勿稍  
冒濫爲要至所奏籌議無輯餓民難民并安置鄉  
勇所見俱是與長麟前奏大致相同但須實力奉  
行不可徒爲空談以致有名無實

行不...

...

...

...

...

...



欽定剿平三省邪匪方略正編卷二百四十九

辛酉年

四月初八日

甲寅

德楞泰書麟長齡奏言竊

臣德

楞泰帶兵由紅坪羅漢洞跟追龍苟逆匪

臣書

麟長齡由南灘栢木取道豐邑坪

臣

明亮由獅

子壩至九道梁

臣

德楞泰於二十一日趕至向

家壩哨探帶到逃出難民趙大受等供稱龍苟

等逆在梨子坪聚會後知官兵追來連夜分逃

苟逆等折向東竄仍入楚境龍逆由徐家壩已  
進太平老林伏思龍逆等被剿窮蹙直趨太平

老林避兵自不敢復來惟苟逆等折竄入楚自

必與徐逆等併合則楚之東面賊勢愈重况徐

逆游奕於楚已久又最狡詐若卽尾追是又逼

向東竄楚省兵力實單權其輕重臣卽應帶領

大兵東顧隨卽飛札四川太平駐防城口之副

將褚大榮等就近追剿龍逆臣卽於二十二日

由向家壩折回取道房縣繞出與山東面截住

荆襄大路臣書麟長齡先至豐邑坪與孫清元

吉林泰等會合俱因河水漲泛未能濟渡又據

孫清元等稟報二十三日帶步兵一千八百名

至生銀溝卽有賊數百名在彼游奕督兵趕擊

追至熊藏山梁路徑險仄未能深追祇斃賊三

十餘名生擒十二名是夜賊衆乘雨撲營兵勇  
擊殺賊匪六十餘名並探得白號賊匪屯於鮮  
家壩黃寶坪青號屯於西坪兵房河各等處有  
欲合夥東竄興山保康之勢茲臣德楞泰於三

十日行抵興山之火石嶺扼住要路相距豐邑

坪甚近臣當卽馳往與臣書麟長齡會晤復又

商籌惟連日大雨如注水勢日漲纜索椿板多

方設法不能修架臣等心急如焚一俟溪漲稍

退刻卽趕緊前進查現在賊匪屯聚之處由三

對河羅坪可通巴東巫山由冷盤壩卽出保康

由兵房河九道梁可通二竹並四川大寧地方

再查該逆等屯聚處所均係箐林羊腸仄徑歷

年賊匪從未深入之地遠近村莊百姓藉險避

賊故洞寨米糧稍有積貯今各逆竄彼原不過

苟延殘喘現在明亮已由九道梁扼要二竹已

可無慮

臣

德楞泰書麟督同長齡孫清元由東

北分投兜剿賊匪斷不能折竄惟俟南陽大河

水勢稍退卽當趕搭浮橋分路進剿至龍逆項

接勒保來函又已札飭總兵託雲泰回至城口

督同褚大榮竭力搜剿自不致有滋蔓奏入

上命軍機大臣傳諭德楞泰書麟長齡曰德楞泰旬

餘未有奏報本日遞到六百里之摺朕以爲必係  
打仗得勝及加披閱德楞泰等並未與賊接仗仍  
不過會籌分路夾擊情形實屬無謂德楞泰書麟  
長齡俱著傳旨申飭至據稱龍紹周一股已進太  
平老林德楞泰札知駐防城口之副將褚大榮等  
就近追剿德楞泰等一路兵多將廣尙不能在楚  
境將龍逆剿淨致令竄往川境此時轉責令褚大

榮等迎擊安能保龍逆一股不又折回楚境此時

苟逆一股自必與徐逆等聯合德楞泰等如能在  
楚境將徐苟等逆剿淨固屬甚善否則毋寧逼令  
入川但旣經入川後德楞泰本屬叅贊又係成都  
將軍伊所帶精兵幾及七千名自應跟蹤入川剿

辦况額勒登保現在陝省督剿高三馬五冉學勝  
伍懷志各股賊數尙多豈能兼顧川省所有徐添



德龍紹周苟文明張允壽等逆卽責成德楞泰剿  
辦務須與川省官兵奮力合擊上緊殲淨不可再  
有遲延致干重戾至書麟長齡明亮係湖廣總督  
提鎮如賊匪全行入川德楞泰趕往後伊三人不  
必越境剿賊卽率同孫清元等在楚境各邊監督  
率地方文武嚴密防堵倘有賊匪窺伺邊境務卽  
上緊截回勿令竄越近因楚省一路軍需支應較

多不待伊等奏請又撥銀三十萬兩餉項極爲充足德楞泰所帶精兵甚多又加以各省補額之兵軍威極爲壯盛似此兵精糧足伊等更何所藉口務宜各知愧奮將此數股賊匪上緊剿辦尅日殲擒不可再有遲延

同日勒保奏言竊臣因通巴一帶沿途饑民甚

多必須親督地方官趕緊撫恤未便兼程行走

昨於馬渡關接據遊擊桂涵稟報二十一日行  
抵南壩探得該匪等或十餘人爲一起或數十  
人爲一起分匿附近山林乘夜摸樁裹脅漸多  
連日搜捕僅拏獲十餘名該匪等卽竄至猴兒  
巖據險抗拒經該遊擊與守備薛陞等分帶步  
隊兵勇於二十三日四更發兵黎明直抵猴兒  
巖分路進攻該匪等始猶撲壓我兵鼓勇競上

當卽殲賊八十餘名生擒男婦一百五十二名  
口餘俱滾崖跌斃並無一名漏網訊據生擒之  
賊楊貴供稱此係湯思蛟等現由馬家營折回  
乾溪溝一帶近有各股剿散之賊歸併一處約  
有五六千人遣令唐大魁馬思貴各帶二百餘  
人赴東鄉新寧一路出來摸樁並探官兵信息  
如大兵俱在川北卽欲全夥由新開竄往梁山

大竹一帶擄食今唐大魁一股已被殺完馬恩  
貴到新寧去會否逃回實不知道當將賊目唐  
大魁及從賊較久之楊貴等一百十三名卽行  
正法其餘男婦吳文芳胡李氏等五十三名口  
俱係新被逼脅之人卽交地方官釋回至馬恩  
貫前在新寧天地寺一帶摸樁現據探報已由  
關口坪竄出勢必仍與乾溪溝大股合夥並闖

辛聰餘匪亦向該處一路遁逸隨飭桂涵等趕

緊剿捕如因兵力單薄卽扼要暫紮遏其分竄

新開之路弗使蔓延腹地

臣一面沿途撫恤饑

民一面帶兵繼進途次接據阿哈保薛大烈報

稱在川陝交界之陳家壩地方與經畧所派之

札克塔爾桑吉斯塔爾會合詢知高馬餘匪又

復折回陝境札克塔爾等卽帶兵追擊此股人

數無多有經畧親在西鄉督率楊遇春等分投  
搜捕自可立就殲除現在通南一帶已就肅清  
阿哈保等現卽帶兵轉回仍歸臣一路剿辦川

東賊匪其陳朝觀等逆據報尙在紫陽境內距  
川不遠七十五現抵川陝交界之麻柳壩一帶  
相機探剿並可兼顧川北至總兵託雲泰所帶  
官兵現在城口一路業經飛飭該鎮卽由城口

取道乾溪溝將湯逆等轟逼出山以便與臣一

路官兵兩面夾擊以期迅就殲除肅清川境

勒保又奏言竊臣欽奉

上諭此時善後事宜以撫輯難民饑民安置鄉勇二

節爲最要伏查川省教匪滋事以來隨處裹脅良

民爲數甚衆奉

旨准令投出免罪聞風解散者殆無虛日臣前在經



畧任內酌定安輯章程曾經節次奏明通飭遵

辦

臣

隨時留心訪察難民等到籍後有業者俱

經地方官確查給還無業者亦歸入團寨自可

謀生覓食其各州縣收養之老弱婦女每處人

亦無多均令陸續設法安置如實係老病殘廢

無可依歸者卽撥入孤貧養濟項下給予口糧

此就安撫本省投回難民而言至零星投出外

省難民俱隨地給予銀米逐程遞籍收管如臨  
陣投出人數較多則派委員弁護送前進卽如  
近日德楞泰在大寧剿辦龍紹周等股匪所有  
應釋難民內訊出籍隸陝省者一千九十七名  
口除附近川境住居之人就地釋回外其餘八  
百四十餘名口經署夔州府鄭成基督同署大  
寧縣鍾蓮鹽大使米喬齡等各捐銀兩設廠煮

粥散給沿途行走甚爲安靜并派該大使米喬  
齡等由水路直送興安交替是川省安撫難民  
頗著成效叛產一項前經臣奏明分爲叛產荒  
產絕產三項分飭各屬清查辦理但此三項內  
惟荒產較多其應行入官之叛產及全家被害  
之絕產爲數均屬有限不能普賞無業難民而  
荒產一項如被脅民戶與避難家口一經投回

卽應隨時給還其勢斷難分給難民管業查川  
省連年投出之人隨到隨卽安插尙無流離失  
所之虞惟於陝楚沿邊交界及賊匪向來出沒  
之處如太平東鄉巫山大寧奉節雲陽萬縣開  
縣通江巴州南江廣元蒼溪十三州縣上年收  
成歉薄兼之賊匪不時往來竄擾以致民食甚

艱前經仰蒙

恩旨賑糶兼行昨臣師次通江地方見該處一帶饑

民絡繹於道臣一面將裹帶軍糧並附近碇寨

存米內隨時隨處酌撥給散一面委令道員劉

清督同通南一帶地方官逐處挨查分別散給

口糧其餘各屬亦節經飭令實力撫恤至鄉勇

一項誠如

聖諭事平裁撤無所仰給若不妥爲安插更易流而

爲匪查

臣

前自黔省來川維時各路征防鄉勇

爲數過多節經大加裁減遣令歸農其中無業

之人或令充當夫役或令各州縣挑爲民壯俱

已安置得所現在所存鄉勇已不及從前十之

二三且該鄉勇隨征者連年禦敵內有較兵丁

更爲得力者裁之必致失所甚覺可惜留防者

俱係本地民人大半各有家室生業祇在本處

防堵裁之似覺較易再查川省節次招募新兵  
爲數不少原須俟軍務告竣另行酌辦但此項  
新兵大都皆無恒業若事平裁汰或至窮無所  
依其流弊亦同鄉勇是以

臣

曾於上年六月間

通飭各標營凡有新兵事故開除名糧概行停  
止募補卽遇制兵糧出亦以新兵頂補從此由  
漸遞減目前便覺節省且

臣

曾與德楞泰商酌

將來善後事宜案內川省沿途緊要地方尙須  
增添營制若以此項新兵及隨征鄉勇通融挑  
撥補額較之新募者旣爲得力而於通省現有  
兵數總可期有絀無贏亦足以稍節糜費均奏

入

上命軍機大臣傳諭勒保曰川東賊匪湯思蛟一股  
屢據該督奏稱爲數無多早應剿淨乃此次摺內



又稱湯思蛟現由馬家營折回乾溪溝一帶近有  
各股剿散之賊歸併一處約有五六千人皆由勒  
保剿辦遲緩使各處零星餘匪沿途裹脅竄合一  
處又成大股其餘不肯從賊被害者又不知凡幾  
勒保前次回至川北後本因川東賊匪緊要奏稱  
兼程前往茲又以撫恤通巴一帶饑民未便兼程  
行走爲詞藉詞延挨不過欲俟德楞泰回川隨同

剿辦以致湯思蛟一股日聚日多至所稱陳朝觀  
等逆七十五現在麻柳壩一帶相機探剿名爲相  
機其實觀望陳朝觀等逆爲數無多而領兵之員  
並不及早殲淨一味觀望轉瞬必致又成大股卽  
阿哈保等前經勒保派往協剿高馬餘匪並未接  
仗今因高馬折回陝境阿哈保等卽帶兵轉回若  
皆如此徒事往來賊匪焉有剿淨之日耶至另奏

撫恤難民饑民等事亦未必能認真綏輯其清查  
叛產安置鄉勇皆係善後事宜目前賊匪未平勒  
保亦不過以虛詞塞責其所稱通江巴州十三州  
縣近年以來皆因賊匪往來滋擾以致農民不能  
耕種饑困難堪該督旣知憫惻饑民寧不知及早  
殄平賊匪勒保著傳旨嚴行申飭又據德楞泰等  
奏到龍紹周一股被剿窮蹙竄往川境太平老林

德楞泰劄知駐防城口之副將褚大榮等迎擊並稱接到勒保來函又已劄飭總兵託雲泰回至城口督同搜剿而勒保摺內並未提及龍逆一股是否入川又派令託雲泰帶兵赴乾溪溝剿辦湯思蛟股匪等語與德楞泰等所奏不符殊不可解若龍紹周一股與湯思蛟等逆竄合一處剿辦必致費手此時勒保既往川東務須督同託雲泰阿哈

保薛大烈等上緊剿辦將湯思蛟龍紹周等逆設  
法殲盡並將各處零星竄匪悉數殄除勉之慎之

初十日

丙辰

長麟奏言竊

臣

前在瓦房壩將冉逆

賊匪痛加殲戮嗣探知該匪敗竄後向兩當縣

所屬之汝寧河一帶狂奔並據獲賊供稱該匪

等欲仍赴汧隴等處

臣

當由兩當之楊家店一

帶抄赴北面兜截趕至韓家灣地方探知該匪

已經竄過高橋娘娘壩一帶，有直趨秦州馬跑泉之勢。適總兵楊奎猷在留壩，收集兵勇趕來。

臣卽令楊奎猷緊護秦州，一面親督兵勇連夜

兼程趨行。二十八日午刻趕抵馬跑泉，詎賊匪

探知，俱有官兵復繞向秦州以西之皂角舖竄。

奔三陽川。於二十九日拾過渭河以北。臣當卽

趕至三陽川，亦於二十九日淌過北岸，晚刻接

據探報賊匪是晚屯紮王家河係奔清水華亭  
之路計程相距賊蹤尙有八十里惟是賊匪驟  
馬共有一千餘匹乘騎奔馳十分迅速臣自韓

家灣抄截賊匪每日三四鼓拔營盡力奔走業  
已三晝夜未得停息兵勇疲乏然現在幸已追  
近賊蹤斷不肯以兵力稍倦畧有停緩臣當卽

鼓勵兵勇趕緊造飯將鍋帳留後令楊奎猷及

副將蕭福祿等帶領馬步兵勇於是夜二更起

身向王家河進剿

臣

緊隨接應楊奎猷蕭福祿

等帶領兵勇潛蹤疾走三十日黎明趕到王家

河賊匪正在起身奔竄已離王家河六七里彼

時若欲尾隨追殺冉逆多係騎馬賊匪一經急

驅遁去我兵步追必不能痛加剿戮且賊匪已

上對面山梁我兵仰攻尤難得手勢須將該匪



誘回始易剿辦楊奎猷蕭福祿當令馬隊百餘  
人下山追趕其餘馬步兵勇俱伏於山頂背後  
賊匪見官兵人少全隊折回迎敵我兵馬隊射  
死賊匪十餘人卽行折回搶上山梁賊匪緊躡  
追上半山山後伏兵俱起距賊已近不及施放  
鎗礮僅用矛手壓下殺賊一百餘名生擒六十  
餘名有官兵五名追至山下殺賊數人被衆賊

圍殺同時陣亡蕭福祿當卽喊令左右兩路鄉

勇趕緊下山抄剿詎賊匪倚恃驟馬便捷將鄉

勇抄剿之路讓開有兩路騎馬賊匪分爲左右

抄至兩路鄉勇之後又一股騎馬賊匪直由半

路撲來有一股騎馬賊匪飛奔繞至山後欲從

山後岔口攻撲後路適

臣

帶兵正在後路山梁

岔口楊奎猷亦卽趕來堵截鎗礮齊施賊匪未

能撲上仍卽折回山前賊匪分路攻撲鎗礮齊

開詎我兵馬隊係二十九日甫調到營三十日

卽帶領打仗且係新補馬匹一聞鎗礮驚躍縱

跳賊匪撲至陣亡官兵十餘名其兩路鄉勇被

賊匪從身後撲來且俱係騎馬賊匪勢甚兇猛

陣亡鄉勇一百餘名守備張連甲頭帶矛傷二

處其餘鄉勇多被衝散蕭福祿及遊擊馬忠宋

欽張聯奎等見賊勢克猛當將擒獲活賊全行  
戮斃騰出兵力各官兵數百各分股撲壓將賊  
匪全行壓下甫至山下賊又復繞路撲來官兵  
又復壓下自辰至午往來撲壓十數次又殺賊  
百餘人賊匪敗走官兵並無損傷臣當令楊奎  
猷蕭福祿將衝散鄉勇趕緊收集齊全卽於初  
一日五鼓拔營緊躡賊蹤追剿前進沿途盤獲

賊營逃出難民僉供賊匪一入甘境迺有被裹

難民總向查問汧陽縣悄悄會會否剿滅淨盡

並聞前赴汧陽捷徑窮日狂奔臣已飛行札調

藩司王文湧平慶道祝會各帶兵勇在隴州一

帶迎頭堵截並聞額勒登保帶兵由棧道前來

於初二日已抵清水縣屬之李什子初三日卽

可趕至長寧驛相距賊蹤已近臣等正可分路

截擊奏入

上命軍機大臣傳諭額勒登保長麟曰此次冉逆股  
匪由秦州皂角鋪搶過渭河北岸向王家河一帶  
奔竄長麟督同蕭福祿等帶領兵勇趕緊抄剿賊  
匪分馬騎四股向前攻撲我兵奮勇壓擊前後共  
殲擒賊匪二百六十餘名而官兵陣亡十餘名並  
鄉勇一百餘名守備張連甲又復帶傷冉逆經官

兵撲壓敗走受屍又竄往何處看此情形辦理尙未得手此股賊匪狡詐兇悍不可視爲易辦至所稱官兵馬隊係新補馬匹一聞鎗礮驚躍縱跳豈賊匪所掠之馬皆係久經行陣者獨不畏鎗礮乎此時額勒登保帶兵由棧道前來相距賊蹤已近應卽馳赴該處與長麟等分投截擊將再逆一股上緊兜剿逼回渭河南岸斷不可任其北竄致未

經被賊地方遭其蹂躪尙不能奮力攔截任賊匪  
竄抵完善之區必將伊等從重治罪現在長麟所  
帶兵勇據稱晝夜抄截稍形疲乏而經畧額勒登  
保所帶之兵爲數亦屬無多前因冉逆在大壩滋  
擾額勒登保曾派慶成帶兵趕往協剿嗣因伊親  
赴唐藏一帶會同長麟剿辦又奏派慶成幫同劉  
之仁等在四畝地搜捕高二餘匪額勒登保等當



酌量情形此時如能就現帶兵力將冉逆賊衆遠  
行殄滅卽不必催調慶成若覺兵力稍單不敷剿  
捕卽飛催慶成帶兵前來會剿其高二餘孽專交  
劉之仁等迅速辦淨所有此次打仗陣亡兵勇俱  
著查明咨部賜卹